

آبونه شرائطی

ممالک عثمانیه ده سنه لکی (۶۵)، الق
آیاغی (۳۵۱) غروشددر .

ممالک احمدیه ده سنه لکی (۱۷)، الق
آیاغی (۹) فرانقدر .

اداره خانه

باب عالی جاده سنده دائره مخصوصه

اضطرابات

آبونه بدلی پشندر .

§

مملکه موافق آثار مع الممنونیه قبول
اولنور . درج ایدله بن یازیلر احاده
اولونماز .

تذکره

۱۳۳۰

اضطرابات

رساله مزیدان آلمدیغنی کو - ترمک شرطیه
بتون یازیلر هر هانکی بر خیزه طرفدان
اقتباس اولونه بیلیر .

§

مکتوبلرک، امضالرک واضح و اوقوناقی
اولمسی و آبونه صره نومروس مختری
بولونمسی لازندر .

§

ممالک اجنبدیه ایچون آبونه اولازلر
آدرسلرینک فرانسزجه ده یارلمسی دجا
اولنور .

§

پاره کوئدرلدیکی زان انه یه د ثراولدیغنک
واضحاً بیلدیلمسی دجا اولنور .

۳ - « رفع تترك اوچنچي فائده سي : هر كس انتخاب ايده چكي بر قادينله ازدواج ايدر ، معنای تاميله عائله تشكيل ايدر ، هر كس خا نه سنی سور ، طلاق آزالير ايمش . »

ايسته بر ادعا كه حقیقه سوبله ينك ده اينانديغنه اينانق كوج ! بيلم كه افاده صاحبه سي قوجه لي بر خاتم ميدير ، قوجه سي كند ني انتخاب ايمشده مي آلمشدر ؟ رجا ايدر م سواللر مدن طولاي داريلدا سونلر ! اورته حاللي مسلمان عائله لر آردسند هوز محافظه ايديلن اصول اوزره كلين اولمشلر ، صكره كچينه مه مشلر ، آيرلق آجيسنه ويا حقارتنه اوغرامشدرده مي طلاقك آزاله سنی زوجه نك اولجه انتخاب ايدلمش اولسند آرايورلر ؟

بوراده بر آزدها توقف ايده چكم ؛ چونكه بوراده بر قادينك غايه آمالي اولان اوج مهم مسئله كاملاً زوجه نك انتخاب ايدلمش اساسي اوزرينه بنا ايديلور . فقط بر سراب قدر مغل واونك قدر اساسلر . برنجيسي زوجه انتخاب ايديلير ايسه تام معناسيله عائله تشكيل ايدر ايمش !

بركره تام معناسيله عائله نه ديمكدر ؟ ظن ايدر م كه بوكيفيت دينه ، ملكته ، احتياجه ، اولجه آلمش اولان تربيه يه ، تلقی به وحی شخصه كوره دكيشه بيلير . مثلاً بنم شمدی بررکني اولديم عائله م بنم ايچون تام معناسيله بر عائله در . زوج بنم كورمش و انتخاب ايمش دكلدر . معيشتن فوق العاده واسع دكل ايسه ده ، رفاهيتن دخی دكلدر . زوج صبا حلين ايشنه كيدر ، بن بر طرفدن كنديه عائله ايشلري يامقله برابر ديكر طرفدن ده كنديه عائله اولميانلري نظارتمله ياپديريرم .

آندن صكره زوجك : « اوكر نديكي بكا كاردر » فلسفه سيلاه بالذات تدريس ايتديكي قيزنك آفشام باباسنه حاضر لايه جنی درسلى مذاكره ايدرم . شو ايكي مقنن و مهم وظيفه كونك بيوك بر قسمنى و بعضاً بتوننى كچره بيلير . چوق وقت بتون كوني طولدير ميان بو ايشلرم بيتدكدن صكره مقرر و يام تصور بر باشقه ايشم و يازيارتم يوق ايسه او قورم ، ال ايشي ايشلرم ؛ خلاصه اوم ايچون نافع بر مشغه بولورم ، نزه ايچون ده زمانم قالير . كيجه نك بر قسمي ده زوجك بك آليشقين بر لسان ايله تقرير ايتديكي قيزنك درسلىله كچر . تام تعبيريله بر حيات مسعودانه امرار ايدرز .

ايسته افندم ، بنم قناعتنه كوره ، بلکه براز فضاه جه ايضاح ايتديكم شو احوال تام معناسيله مسعود بر عائله حياتيدر .

عجبا شو حال محبة فاضله نك ديدكلى كبي حقیقه مستكره وضعيتلري بيلمه بن مخلوقات سافله يه بكنزه مكميدر ؟ بوني براز آشاغیده دوشونه چكز . شه سز ، خصوصيت قاعده اوله مر ؛ فقط بوكون استانبولده شو تصوير ايتديكم خالدين آز چوق فرقله بك چوق ممنون و تام معناسيله مسعود بر عائله تشكيل ايتدكلى قانع بيكرجه اورته حاللي عائله لر واردر . دوشونيور و بو عائله لك صاف و ساده بعض صفحات حياتي برسینه ما

سرعت و منوريتيله كوزمك او كندن كچيرميه چاليشيور ايدم : سينه ما شريدنك ايكي لوحه سي آره سنه آرقه سنده قوستوم تاييوري ، النده مانشوتى ، باشنده قوجه مان شابقه سي ايله مثلاً بر خام ديكلدی . پيش خيالده كي او ايكي مسلمان عائله سي لوحه سندن برينى مانشوتيله ، ديكرينى ده چالطه سيله قابادی وقارارتدی . وبكاده شويله باغیردی : « اووخ ! زواللى سفيل خياللر كه سن بنم تام معناسيله تشكيل ايدر ديديكم عائله حياتي ياشايه مر سك . بزم ساحه مر ك لطفكار ييلديز نورلري سنك بورغون قراكلقلى اولوحياتكي ايصيده مر . سنك مطبخ ايله چربو غنكك بشيكي آره سنه صيقششم مطبخ ايسي بولوتلو دوشونلرك ايشته بو قدردر ! سنك ياشانديك شوبك ايكرنج حياتلر تووالتمى بيله كيرله ديور ! »

بورادده تام معناسيله تشكيل ايددجكي سويله نيلن عائله لر بنم تكدير ايدن بو خاتمك بك يقيشه جنى و تحاشي ايتيه چكي حياتلر كچرن عائله لر ايسه حقیقه بنم كي مسلمان تربيه سي آلمش قادينلر مر ك يتيشه ميه چكمز و هيچ يقيشه ميه جغمز منور ويوكسك (!) حياتلر در .

قاضى كوى : ل . و

ف . لطفیه خانم افندی حضرتلرینه

سبیل الرشاد جريدة محترمه سنك « ۲۸۱ » نومرولو نسخه سنده « نسايات » قسمنده تستر نسوانه عائله مقاله فاضلانلر كزى بر قاچ دفعه لر او قودم . هر او قویشمده قلمده بويوك برانشراح طويدم . عين حقيقت اولان فكر يکزی تجيل ، ترجمان فكر كز اولان قلم كزى تقدیس ايدرك قلمدن قوبوب كلن تشكرات مخصوصه مي تقديم ايله كسب فخر ايليورم . بزى حمرة اضمحلالك قمر نايابه سوروكه بن هپ او مقلد جيلك دكلدر ؟ شعائر اسلاميه مزی ، خصائص مبعلة مایه مزی ترك ايله طريق ضلالت وسفاشته صابقمده بيلم كه نه ذوق طوييورز ! عجب اسلاميتدن ، اسلاميتك وضع ايمش اولديني تستر نسوان امر جليمندن - طينتي ، سودی بوزوق بر طاقم عفتسزلردن باشقه - كيم ضرر كورمشدر كه بوكون آچيق كزمكي ترجيحه ؛ روسيه ده كي تاتارلرك خواه ناخواه مطلقيتك ايجاب ايتديكي جبر و تضيق نتيجه سيله روس اثر و عنعناتنه بالتبعيه اختيار ايلدكلى طرز تابسي تقديمه بر خواهش كوسترسون !

عجبا هانكي اسلامدر كه كندی متعلقاتندن صرف نظر ، لاعلى التعین بر مسلمان قاديننى تيارونك صحنه تماشاى سفيلنده كورسونده عزت نفسنه ، حياي ايمانيسنه قارشو اتجارى جانه منت بيلمسون ؟ مكر قبلرندن عزت نفسلري ، آلنرندن مسلمانلق حيالري سيانسون ده كندی تعلقاتنى و يارفيق حياتي تيارولرده آفتريس موقع دلشنده كورمه يه قاتلان بيلمسون !

ای اسلام قادينلرينك مابه الافخارى فضيلتپورر خانم ! تکرار

ایلدیکی (لاتعلموا نسائکم الکتابۃ) حدیثدر . یعنی قادیانلریکزه کتابت
تعلیم ایتیه یکنز . حالبوکه بو حدیثک سنندده جعفر ابن نصر وارددر کهذهی
بونک حقنده مهم الکذب دیمشدر . الکامل صاحبده ثقاتدن برچوق
احادیث باطله نقل ایلدی دیمشدر .

اشته کوریلورکه بو روایانک کافه سی غایت ضعیف وبلکده باطل
اولوب هیچ بروجها احتیاجه صالح دکدر . عدم جواز ایسه احکام
شرعیهدن اولوب بر حدیث صحیح ویا حسنه استناد ایلمی لازمدر .
بناء علیه بو طائفه نک ویردیکی عدم جواز حکمی هیچ بروجها صحیح
دکدر .

بو حدیثک ایکی اوج طریق ایله ورودی کندیسنی حسن لغیره
مرتبه سنه اصعاد ایده مرز . چونکه تعدد طرق ایله حسن مرتبه سنه ارتقا
ایدن حدیث ضعیف ، سی الحفظ ، مختلط ، مستور و مرسل و مدلس
راویلرک حدیثلریدر . وضاعلرک ، کذابارک ، متروکلرک حدیثلری
کثرة طرق ایله هیچ برزمان حسن لغیره مرتبه سنه ارتقا ایده مرز .
جمهور علما ایسه قادیانلره تعلیم کتابت ایلمسنگ جوازینه من غیر
کراهه ذاهب اولمشلردر . دلیللری ایسه سنن ابی داووده شفاء بنت
عبدالله دن روایت اولان (قالت دخل علی النبی صلی الله علیه وسلم وانا
عند حفصة فقال لی الاتعلمین هذه رقية الخلة کما علمتها الکتابۃ) حدیث
شریفدر . یعنی برکون امهات مؤمنین دن حضرت حنصه نک یاننده ایکن
جناب پیغمبر صلی الله علیه وسلم ایجری به تشریف بیورمشلر و بکاخطاباً :
شوکا کتابتی تعلیم ایلدیکک کبی قرنجه یومسی تعبیر اولنان خسته لغک
افسونی ده تعلیم ایتیمیسک؟ بیورمشلردر . بو حدیث شریفک رجال اسنادی
ابراهیم ابن مهدیدن بشقه هپسی رجال صحیحدر . مع مافیه ابراهیم ابن
مهدی ثقاتدندر . احمد و حاکم ، مسندلرنده اخراج ایدوب حدیث صحیحدر
دیدکلری کبی نسائی دخی سنن کبری ده باب الطبده اخراج ایلمشدر .
حدیث شریف بو صورتله کسب صحت ایلمسنه بناء ابن تیمیه منتقی ده
« بو حدیث شریف قادیانلره تعلیم کتابتک جوازینه دلیلدر » دیمشدر . خطاب
دخی قادیانلره تعلیم کتابتک مکروه اولمديغنه بو حدیث شریفده دلالت
واردر دیدیکی کی زادالمعاده و مصابیح شرحی ازهارده بو حدیثده
قادیانلره تعلیم کتابت ایلمسنگ جوازینه دلیل واردر دیمشدر .

علی القاری مبحث مذکورک بر آز آشایسنده اسمنی ابهام ایلدیکی
بعض علمادن نقلاً « حدیث غله ده کی تعلیم کتابت حضرت حفصه یه
خا صدر . چونکه (یانساء النبی لستن کاحد من النساء) آیت جلیله سی
موجبجهمهات مؤمنینک برچوق خصائصی واردی . لاتعلموهن الکتابۃ
حدیثی ایسه خوف فتنه یه بناء عامه نسیاه محمولدر دیمشدر . بوندن
آ کلاشیورکه حدیث مذکور ی مختلف الحدیث قبیلندن عد ایلمش وایکسنگ
بیننی جمع و توفیق ایلمک طریقنی اختیار ایلمشدر . حالبوکه توفیق مذکور
آنحقی احادیث صحیح و حسنه آره سنند تعارض وقوعبولدقده اختیار
اولنور . احادیث ضعیفه و باطله ایسه احادیث صحیحیه معارض اولمسی شویله
طورسون مقابل حکمنی آله بیله جک تأثیری بیله یوقدر . چونکه اساساً

ایده رم که بتون مخدرات اسلامیة منظوری بولندیکنز سچیة مبجله
اسلامیه کزک حیران و تقدیر خواندر . بوتون اسلام قادیانلرمن بو
مجاهده عفتیورانه کزدن طولانی جان وکوکلدن سزه متشکر درلر . وار
اولیکز ، محترم خام ! خصلت نجبانه و حسیات دیندارانه کزله وار
اولیکز ! ...

ابوالحامد

مدیات

قادیانلرک اوقربوب یازمسی مسئلہ سی :

« لاتعلموا النساء خطاً » حدیثک راویسنه جواب

پشین سوبیله لمکه بولفظ ایله بویله بر حدیثک اصلی یوقدر . قادیانلره
تعلیم خط ایلدیلمسنگ عدم جوازینه قائل علما یوق دکدر . حتی خاتمه
علماء راسخین علی القاری یی دخی بوزمره ایچنده بولیورز . مشکات -
المصابیح شرحنده کتاب الطب والرقی نک فصل ثانیسنده شویله دیورز :
(یحتمل ان یكون جائزاً للسلف دون الخلف لفساد نسوان فی هذا الزمان)
یعنی محتملددرکه اسلاف نسوانه تعلیم کتابت جائز اولمش اولسون ، شو
قدرکه زمانه مرزک قادیانلرینه فساد اخلاق لرندن ناشی جائز دکدر . حالبوکه
تعلیل مذکور مناقشه نی قبول ایتمز دکدر . چونکه هیچ بر فقیه قادیانلره
تعلیم کتابت ایلمکدن حصوله کله جک مافع عظیمه نی بر مضرت قلیله
موهومه یه فدا ایده مرز . قادیان ، کتابتی آلت فساد اتخاذا ایلمسی بر مضرت
ایسه ده بتون بتون جاهل قالمسی ، هیئت اجتماعیه مزجه آدن دهایوک
بر مضرتدر . ایکی فسادک تعارضنده ایسه اخفی ارتکاب ایله اعظمک
چاره نه باقیلور .

برکره بو طائفه نک دلیللرینی کوزدن کچیرم . بویابده یکانه معتمدلری
ابن حیانک ضعفاده حضرت عایشه دن اخراج ایلدیکی شو (لاتسکنو -
هن الغرف ولا تعلموهن الکتابۃ) حدیثدر ، یعنی قادیانلری کوشکلرده ،
اوطه لرده اسکان ایتیمک و آنلره کتابت تعلیم ایتیمک دیمکدر . حالبوکه بو
حدیثک سنندده محمد ابراهیم شامی وارددرکه وضاعلردن اولوب
منکر الحدیثدر . ذهبی دار قطنیدن نقلاً بو کذابدر دیمشدر . ابن
عدی ایسه بوشامی نک احادیثی غیر محفوظدر دیدیکی کبی ابن حیان ده
بوشامی وضع احادیث ایله مشهور اولوب حال اعتبارک غیر یسیده آدن
حدیث روایت ایلمک حلال دکدر دیمشدر . ابن جوزی ده علل متباهیه ده
بو حدیث صحیح دکدر ، محمد ابن ابراهیم شامی وضاع حدیثدر دیمشدر .
بو حدیثک بر ایکنجی سندی دها وارددرکه حاکم مستدرکهده حضرت
عایشه دن روایت ایلمشدر . لکن بوسنگک راویلری ایچنده عبدالوهاب
ابن ضحاک وارکه ذهبی میزنده بونک ایچون ابو خاتم دن نقلاً کذابدر
دیمشدر ، نسائی ده بونک حقنده متروکدر دیدیکی کبی دار قطنی ده
منکر الحدیثدر دیمشدر .

ایکنجی دلیللری ابن حیانک ضعفاده ابن عباسدن مرفوعاً روایت